

文獻遺徵

明修撰楊升菴先生年譜

太史祠落成滇廉憲則菴來先生過予曰太史一代忠節文章當日門生子弟豈未撰有年譜祇李卓吾藏書一篇畧見事跡心共傷之今年丁巳杜門曲靖病入腰膂元旦無事取皇明通記憲章錄實錄大政紀明史編年明史紀事本末諸書及公文集并案頭所有各種書繙閱纂輯據其年月可稽者次第採錄凡四易稿編爲年譜譜中遺畧絳漏頗多旣難得之見聞之表又難索之無何有之鄉後之覽者慨公之兩杖闕廷終身邊徼亦可以論世而知人矣江夏後學程封書

宏治元年戊申公一歲

按公先世江西廬陵人六世祖世賢避元末亂徙

居湖廣之麻城再避紅巾亂乃入蜀居新都狀元館記

云其先曲阜人孔子苗裔元末來蜀改姓楊世賢生壽山壽山生玟玟

字美玉習春秋善歐書元配郭氏生子二曰遠曰

政郭氏卒娶羊氏無出卒娶熊氏生子三曰春曰

惠曰哲玟以貢士仕貴州永寧州吏目卒於官郭氏二子亦卒熊夫人攜二孀婦并三幼子負骸骨歸葬新都城西春成化乙酉舉人辛丑進士授行人陞湖廣提學僉事公生子七人長廷和號石齋次廷平號龍山戊午舉人廷儀號瑞虹己未進士兵部左侍郎廷簡早卒廷宣號龍崖辛酉舉人元配葉氏出廷歷廕國子生廷中縣學生側室王氏出石齋公生天順己卯四歲知聲律日記書數卷十二以神童舉於鄉登成化十四年戊戌進士由

卷十 升菴年譜

二

翰林庶吉士歷官少師兼太子太師吏部尙書華蓋殿大學士兩朝首相有除難定策功生子四長慎號升菴元配一品黃夫人出眉山黃公明善之女天順間官雲貴提學副使繼室喻氏內江人封一品夫人無出次惇號叙菴癸未進士兵部職方司主事次恒號貞菴承廕中書舍人陞大理寺右寺副次忱號孚菴丙子舉人俱側室蔣氏出封孺人廷平生子愷癸酉舉人悌縣學生廷儀生子恂丙戌進士慥姚安知府性瀘溪知縣廷宣生子悅

荊州府長史惟縣學生石齋艱嗣禱於神夢神語
曰當以聰明奇慧子昇君又夢送五代忠臣夏魯
奇至曰武臣也復以中庸十八章輔之宏治元年
戊申十一月初六日生公於京師之孝順衎衎魯奇

後唐節度使死
節蜀有旌忠廟

予教新都少師楊石翁長子慎爲

庠生縣令施忠者關中人夢神授巨鏹赤書其上
曰朝廷之寶知縣之光告於予謂當有魁天下者
其慎乎復告於慎祖少師留耕翁翁曰慎生時吾
夢夏魯奇託生以文鳴世慎亦夢跨躡文天祥櫃

卷十 升菴年譜

三

上魁天下者或慎乎辛未科果狀元及第王穎斌
狀元館

記

宏治二年己酉公二歲

三年庚戌公三歲

四年辛亥公四歲

五年壬子公五歲

六年癸丑公六歲

七年甲寅公七歲

是年母夫人教之句讀授以唐詩輒成誦又以筆

管印紙作圈令公書字於中曰吾雖不知書然卽此則楷正自可觀公奮志誦讀不出戶外

宏治八年乙卯公八歲

九年丙辰公九歲

十年丁巳公十歲

十一年戊午公十一歲

是年公作近體詩有一盞孤燈照玉堂之句石齋公曰句佳矣但恨太孤寂耳

十二年己未公十二歲

卷十 升菴年譜

四

按公是年春丁母黃太夫人艱極其悲號廢食骨立未幾祖母葉訃聞隨石齋公回蜀守制 考公集云南園張公白崖喬公柴墟儲公過家君小飲較象棋命賦詩曰兵卒衝千里將軍坐九宮追風看馬躍吉日想車攻士相維城固江河天塹雄笑談翻幾局月白映燈紅 見升菴遺集 是年留耕公授以易兩旬而洽不遺一字擬作古戰場文有青樓斷紅粉之魂白日照翠苔之骨數語瑞虹公極稱賞復命擬過秦論留耕公奇之曰吾家賈誼也一日

石齋公與瑞虹龍崖二公觀畫問曰景之美者人曰似畫畫之佳者人曰似真孰爲正公舉元微之詩以對龍崖曰詩亦未見佳汝可更作公輒呈稿云會心山水真如畫名手丹青畫似真夢覺難分列禦寇影形相贈晉詩人二公曰只此四句大勝前人矣

宏治十三年庚申公十三歲

十四年辛酉公十四歲

是年石齋公服闋公亦入京師有過渭城送別詩

卷十 升菴年譜

五

及霜葉賦詠馬嵬坡詩云鳳輦匆匆下九天馬嵬西去路三千漁陽鼙鼓煙塵裡蜀棧鈴聲夜雨邊方士遊魂招不返詞人長恨曲空傳峨眉尙有高邱在戰骨潼關更可憐 師福建鄉進士雪溪魏

先生浚習舉子業偶作黃葉詩李文正公

李東陽字賓之

湖廣茶陵人官至太子太保戶部尙書謹身殿大學士贈太師諡文正雙溪雜記云東陽以神童與

程敏政 見之曰此吾小友也乃進之門下命擬出

師表及傅奕請汰僧尼表文正覽之謂不減唐宋

詞人 是年題赤壁圖詩

宏治十五年壬戌公十五歲

十六年癸亥公十六歲

按公集是年有招張愈光詩禺山贈公詩曰昔在長安日相逢各少年指此

十七年甲子公十七歲

是年作雁來紅賦

十八年乙丑公十八歲

考是科策貢士董玘等三百三人賜顧鼎臣董玘謝丕以下及第出身有差主考太常卿張元貞春

卷十 升菴年譜

六

坊大學士楊廷和公侍石齋公禮闈時崔銑試卷在分考劉式臣簾下疑其刻深未錄公見之愛其奇雋以呈石齋公遂擢詩經魁崔知而以小座主

稱焉竟爲平生知己 崔字仲鳧安陽人官至南京禮部右侍郎

正德元年丙寅公十九歲

按公是年娶禮部主事王溥之女公撰王安人墓誌銘曰年二十一來歸予於新都 與同鄉士馮馴石天柱夏邦謨劉景宇陳啓充爲麗澤會卽墨

□田永昌張含結社倡和

二年丁卯公二十歲

應四川鄉試督學南峰劉公丙面試奇之曰吾不能如歐陽乃得子如蘇軾是秋果擢易魁十一月上禮部是年有詠秧馬詩秦始皇陵詩

正德三年戊辰公二十一歲

是科會試主考大學士王鏊吏部尙書梁儲得公文已置首選卷偶失燭遂下第有空吟故國三千里悔讀南華第二篇之句 入國學祭酒周公玉類試之曰天下士也 作春晴詩

卷十

升菴年譜

七

四年己巳公二十二歲

是年歷事禮部尙書劉宇見公問曰子爲誰對曰楊慎劉曰本部天下人豈必一大臣子弟耶乃稱嘆不置

正德五年庚午公二十三歲

六年辛未公二十四歲

是科策貢士鄒守益等三百五十人賜楊慎余本鄒守益以下及第出身有差大學士劉忠學士靳貴知貢舉公會試第二殿試問創業以武守成以

文策公援史融經敷陳宏剴讀卷官李東陽楊一清等相與稱曰海涵地負大放厥辭共慶朝廷得人授翰林修撰

正德七年壬申公二十五歲

八年癸酉公二十六歲

是年丁繼母喻夫人艱居家讀禮賻儀一無所受學憲劉公節稱之曰禮不忘於口誦義每絕乎幣交 王安人同還蜀途行四月

九年甲戌公二十七歲

卷十 升菴年譜

八

按是年四川賊藍廷瑞鄆本恕作亂公在邑城中日夕戒嚴有賊數百詐稱官軍以給門者公率守雉堞者誥之賊散去

正德十年乙亥公二十八歲

三月石齋公以憂去公服闋冬十二月北上舟至嘉定黃閣扁幾危而得濟與布政伍公符鄰舟倡和下江陵

十一年丙子公二十九歲

是年入翰林爲經筵展書官校文獻通考同館則

鄒守益王思尹襄劉泉孫紹祖張潮 生子耕耕
殤副室生子恩恩

十二年丁丑公三十歲

石齋公服闋趣赴京復入內閣 公充殿試掌卷
官得舒芬策以呈閣老梁儲乃得首第 武廟問
天文注張爲何星公援引周禮史記漢書以對
五月上微行至石經山玉泉亭數日乃還八月甲
辰朔上微服出得勝門至昌平還丙寅上夜出得
勝門如居庸辛未上幸宣府公上疏切諫不報乃

卷十

升菴年譜

九

以養疾乞歸 王氏受安人封七月七日王安人
病卒享年三十二歲 公九日詩曰燕臺九日罷
登臨節物蕭條入楚吟關塞驂騑迷去路朔風鴻
雁滯歸音仙遊御宿山川遠白露清霜日夜深雲
際側身愁北望天涯懷抱可能禁忠君愛國溢於
言表

正德十三年戊寅公三十一歲

正月辛丑朔上在宣府 七月戊戌朔己亥傳旨
命總督軍務威武大將軍總督官朱壽巡邊寫制

勅 八月上在宣府 九月上至偏頭關自稱國
公 十月渡江西幸榆林又憲章錄載六月上自
稱威武大將軍太師鎮國公朱壽命內閣草勅廷
和等疏諫上屢遣中官促之廷和稱疾不出 公
自序云八月十三日夜夢亡室安人驚泣而寤因
思去年丁丑是日在京師安人未明興告予曰今
日趨朝不可如常日之晏蓋其日警蹕值新狩還
也今遇是日感其賢淑又小子週二歲之晬詩曰
稚子今朝是兩週新衣戲舞拜前頭傷心孺慕聲

卷十 升菴年譜

十

聲切母在重泉聽得不 又按公云恩恩者副室
之子也彌月母亡安人以爲己子 九月九日龍
門登高有詩 十月一日葬王安人於龍門之阡
有送王安人葬恩波阡詩石流何湔湔淒潦增其
波天陰日易晚曠野悲風多嚴霜下喬木零雨泫
柔柯蕭條我行野傷心悲如何中道失嘉耦送此
山之阿凜凜歲方晏誰與同嘯歌君看彼鳥雀各
自安其窠又曰南出闔闔門遙望嵯峨山山雲蒸
蒼蔚山雨何潺潺荒年感物節悽惻悲心顏平林

一回首但見雙鳥還又曰破鏡有留影絕絃有遺
音簪簪雖墜地少原猶可尋碩人棄我去聲跡俱
銷沉誰言歲月遠彌覺憂思深歡蹤惜日逝感物
悲年駸 考公是年繼娶黃氏遂寧尙書簡肅公
珂之女工詩公撰黃母聶太夫人墓誌云慎先君
與簡肅公少爲道義交慎早忝通家之子中年辱
授室焉

正德十四年己卯公三十二歲

公九日登高詩曰采采黃花不滿衣暝煙起望自

卷十

升菴年譜

十一

朝暉馬卿病裡芳菲晚宋玉愁邊節序非落木流
波如有意來鴻去雁故相違消除強醉清樽酒歸
掩田家白板扉

正德十五年庚辰公三十三歲

正月庚寅朔上在南京 八月作劍州鐘鼓樓記

九月聞金鶴卿張惟信有彭門之會疾不赴詩

曰一別黃金萬里臺孤城三見菊花開雲移北闕
沾恩宴日遠南山獻壽杯抱病江天常閨寂關心
時序獨徘徊高人喜共登高會咫尺彭門阻一陪

是月北上仍舊官

十六年辛巳公三十四歲

三月武宗崩無嗣 四月迎興獻王長子自安陸
藩邸入卽皇帝位改明年爲嘉靖元年 五月公
充殿試受卷官 六月開經筵公首作講官進尙
書金作贖刑之章言聖人贖刑之制用於小過者
冀民自新之意若大姦元惡無可贖之理時大闢
張銳于經等皆犯先朝事罪當死以進金銀得免
故及之 七月觀政進士張璫號蘿峯永嘉人上大禮疏

卷十

升菴年譜

十二

畧云陛下嗣登大寶卽議尊追聖考以正其號迎
奉聖母以致其養誠大孝也今廷議乃執漢定陶
宋濮王故事謂爲人後者爲之子不得復顧私親
夫天下豈有無父母之國哉急下所司議聞 上
御文華殿召大學士楊廷和等賜茶以御批禮部
會官所議稱號疏示之且諭之曰至親莫如父母
卿等宜體朕意按御批有卿等議得廷和復抗疏
諫留中 八月禮部上興獻王典禮仍令再議
十月上諭欽奉慈壽皇太后之命以朕旣承大統

父興獻王宜稱興獻帝母興獻后憲廟貴妃邵氏
爲皇太后朕辭之再三不容遜避特諭卿等知之
十一月進士張璫疏進大禮或問畧曰今之典
禮議者必以我皇上宜考孝宗而以興獻王爲叔
父必欲我皇上爲孝宗之嗣承孝宗之統則孰爲
武宗之嗣孰承武宗之統皇上於孝宗也何稱乎
曰皇伯考其正也於武宗也何稱乎曰皇兄其正
也於享祀興獻王則曰皇考其正也疏入上下所
司知之 己丑大學士楊廷和等上疏近該司禮

卷十

升菴年譜

十三

監傳示聖意欲加稱興獻后尊號臣等輒擬進興
獻太后之稱昨奉御批加一皇字茲敢封還御批
仍依原擬上曰卿等所言至意朕已悉知但哀哀
之情不能自己罔極之恩報亦無方可承朕命以
表衷腸慎無再拒勉順施行 戊戌大學士楊廷
和等又上疏昨奉御批於興獻帝后尊號上各加
一皇字隨該禮部并科道等官具本執奏皆以爲
不合典禮忘所後而重本生任私恩而棄大義臣
等有不得辭其責者願罷歸上曰卿等所言皆推

大義朕之所奉昊天至情不必拘於史志可爲朕
申明孝義勉錄皇號施行庶安朕母子哀心卿亦
無託此爲辭宜照舊辦事輔襄國政廷和等復引
古誼抗章求退上皆優詔留之 乙巳吏部禮部
都御史給事中等衙門連名具疏奏興獻帝不宜
稱皇號上曰懿旨諭及不可違給事中大理寺等
衙門又連名上疏并劾張璉不報 按公是年以
李文正所授東坡石鼓文舊本屬善書者錄爲一
卷藏之齋閣見石鼓文序文正以正德十一年卒

卷十

升菴年譜

十四

序內云去今又將六年則書石鼓文當在本年

嘉靖元年壬午公三十五歲

上諭內閣興獻帝冊文朕宜稱孝子 二月代祀
江瀆及蜀藩諸陵寢著江祀記與給事熊浹御史
簡霄遊浣花谿載酒賦詩有煙霞誰作主魚鳥自
相親斗酒千金會扁舟兩玉人之句十二月北上
復命 撰新都重修儒學記

二年癸未公三十六歲

是年公纂修武廟實錄鍊習朝典事必直書總裁

蔣冕費宏曰官階雖未及實堪副總裁者乃盡以
草稿付之刊定 六年考滿吏部侍郎羅欽順考
公語曰文章克稱乎科名慎修允協乎名字

三年甲申公三十七歲

二月石齋公致仕以議大禮忤旨也 三月諭禮
部加昭聖慈壽皇太后爲昭聖康惠慈聖興獻帝
爲本生皇考恭穆獻皇帝興國太后爲本生母章
聖皇太后皇考立室奉先殿側禮部尙書江俊執
奏切責宥之 尙書喬宇等屢爭大禮修撰唐臯

卷十

升菴年譜

十五

亦言陛下宜考所後以別正統隆所生以備尊稱
旨下唐臯而下俱奪俸

臯德縣人正
甲戌狀元

張璉桂萼

再上疏請以孝宗爲皇伯考興獻帝爲皇考武宗
爲皇兄下部會議 四月編修鄒守益爭大禮下
鎮撫司降廣德州判 五月修撰呂柟以修省自
劾語涉大禮下鎮撫司降解州判 六月修撰楊
慎等三十六人疏言君子小人不并立正論邪說
不併行臣等所執者程頤朱熹之緒也萼等所言
者冷褒段猶之餘也與張璉等學術不同乞罷奪

慎俸兩月餘皆一月 七月乙亥諭禮部改上本
生聖母章聖皇太后曰聖母皇太后 丁丑在京
尙書以下各衙門官言尊號不當去本生二字疏

入留中

明史紀事本末曰前後章奏唯張璪霍韜
熊浹桂萼議□其他八十餘疏二百五十

餘人皆
如部議

大學士毛紀石瑤再疏 戊寅朔羣臣

以前疏未下詣左順門候旨大呼上齋居文華殿
再諭退不從命錄諸臣姓名報爲首豐熙張翀余
翱余寬黃待顯陶滋相世芳母德純八人下獄訊
修撰楊慎檢討王元正撼門大哭羣臣皆哭上怒

卷十 升菴年譜

十六

逮五品以下員外馬理等一百三十四人獄訊四
品以上及司務等待罪又按皇明通紀曰帝罷朝
齋居文華殿金獻民徐文華倡言諸疏留中必以
孝宗爲皇伯考矣何孟春曰憲宗時慈懿太后葬
禮尙書姚夔率百官伏哭文華門力爭憲宗從之
此我朝故事也楊慎曰國家養士一百五十年仗
節死義正在今日王元正等遂遮留羣臣於金水
橋曰萬世瞻仰在此一舉不力爭者共擊之於是
何孟春等二百二十餘人俱跪伏左順門大呼高

皇帝孝宗皇帝聲徹於內上使司禮諭退不從上命錄爲首者以學士豐熙給事中張翀等八人詔獄楊慎王元正乃撼奉天門大哭羣臣皆哭聲震闕上大怒命逮馬理等一百三十四人俱下詔獄癸未錦衣衛以繫獄并待罪凡二百二十餘人上請令再拷豐熙等八人充戍四品以上停俸五品以下編修王相等一百八十餘人各杖王思等十有九人俱病創先後卒 己丑再詔楊慎等欺慢震驚闕廷逮杖七人時獄已處分有言朝罷羣臣

卷十

升菴年譜

十七

復欲上疏於是復與杖楊慎及檢討王元正給事中劉濟充戍給事中安磐張漢卿御史王時利張原削籍俱杖於廷原死杖下 南京祭酒崔錠以灾異言議禮或擯斥或下獄非聖朝口事令致仕十一月吏部侍郎胡世寧以疾在告上疏論救不允 大學士毛紀請宥逮繫諸臣切責 禮部尙書席書在途上疏乞宥學士豐熙等不許及世廟告成又上書宜倣宋郊祀覃恩將先日議禮獲罪諸臣從寬矜宥詔褒答 評事韋商臣言臣以

廷平庶獄爲職臣自今年七月授官以來見以大
禮伏闕觸犯聖怒大臣改任者何孟春一人謫戍
者學士豐熙等八人杖死者編修王思等十七人
皆國家大獄上干天象下駭民俗所關甚鉅者也
臣不敢愛死唯陛下大奮明斷願復戍者之官錄
死者之後逮繫者釋之庶不失欽恤之意上以商
臣沽名瀆奏降二級調外 公中元日下獄十七
日廷杖二十七日復杖公斃而復甦廷杖之慘備載公哭安公

石五言古詩
中詩千言

謫戍雲南永昌衛舟由潞河而南

卷十 升菴年譜

十八

值先年被革挾怨諸人募惡少隨以伺害公知而
備之至臨清始散去 有恩譴戍滇紀行詩百韻
又南竄始發京詩曰秋風蕭蕭發驅車出郭東問
我今何適竄身向南中南中萬餘里去去與誰同
親交滿京國咫尺難相通且喜脫幽繫未暇悲道
窮矯目盼浮雲但羨高飛鴻 公集有江陵別內
詩又恩譴紀行詩內云江陵初解帆倉皇理征衫
家人從此別客淚不可緘

嘉靖四年乙酉公三十八歲

元旦行次新添喜晴詩曰白日臨元歲元雲放曉
晴城窺冰壑迥樓射雪峯明客鯉何時到賓鴻昨
夜驚離心似芳草處處逐春生 正月至雲南病
馳萬里羸憊特甚栖栖旅中方就醫藥而巡撫南
海黃衷促且甚公力疾冒險抵永昌幾不起巡按
郭楠晉江人清戎江良材極爲存護卜館雲峯居之
巡按江西陳洪謨言禮人子事親三諫不聽則
號泣而隨之前者議禮諸臣伏闕號泣誠爲有罪
而揆之於禮亦有所本况何孟春豐熙操履淳固

卷十 升菴年譜

十九

宜置左右以資啓沃呂柟楊慎論思有體宜出禁
闥以責後效張元毛玉死無以殮妻孥流落宜曲

賜優卹不報

毛玉昆明人官吏科

三月御史王懋乞錄議

禮諸臣謫高縣典史 行人司副柯維熊又上言
論救下獄爲民 八月致仕刑部尙書林俊上疏
乞收用議禮諸臣并廷杖之法成化初皆厚綿重
毡止以示辱逆瑾亂政始解衣箠楚非仁厚之道
下所司 九月吏部尙書廖紀陳三事一愛惜人
才請補謫遷言官奉旨愛惜人才朝廷自有參酌

十月雲南巡按郭楠上疏論救被詔下獄爲民
嘉靖五年丙戌公三十九歲

正月吏部上疏請錄用大禮建言諸臣張璉桂萼
及科道皆請之報罷 御史張袞乞宥伏闕諸臣

吏部覆議俄報罷弇州史料作襄 科臣史于光疏救不

報 五月大學士楊一清上五事其一宥過優詔

褒答 御史謝汝儀上疏言御史張袞請宥豐熙
等罪陛下旣命部臣議上矣俄而復已之夫熙等
狂愚罪固難免陛下謫之已足示罰人才難得若

卷十 升菴年譜 二十

不及今賜環臣恐歲月彌深死亡踵至縱陛下他
日欲憐而用之將何及乎 按公是年驚聞石齋
公寢疾匹馬間道疾馳十九日抵家石齋公悅而
疾愈七月攜家就戍所有於役江鄉歸經板橋詩
滇海盈盈一水遙解鞍明日問歸橈還如謝眺宣
城路南浦新林過板橋 十月蘇州總兵馬永上
疏乞宥學士豐熙等切責革任回南京 十一月

尋甸府土舍安銓變起馮再來中丞滇考曰嘉靖六年尋甸知府馬性魯因

徵糧繫馬頭安銓妻於獄裸撻之 銓遂叛掠嵩明陷尋甸進攻會城 十二月武定

土舍鳳朝文變亦起攻掠城堡爲患公嘆曰此吾
効國之日也乃戎服率旅僮及步騎百餘往援木
密所守禦入城與副使張峨謀守固明日賊來攻
城寧州土舍陸紹先率兵戰城下公促城中兵鼓
譟出助賊敗去公復歸會城按安鳳之亂殺同知以下官吏十三人合

圍雲南省城嘉靖七年詔伍文定爲兵部尙書兼右都討平之伍湖廣松滋人

嘉靖六年丁亥公四十歲

正月錄先年被譴諸臣唯議禮者不與 是年公
作戎旅賦內云悵圭籥之駸遄兮逾四稔而迄今

卷十

升菴年譜

二十一

又作惡氛行紀安鳳之犯省城也

嘉靖七年戊子公四十一歲

春疫殍大作公徙居洱海城疫息仍居雲峯尙書
伍文定黔國公沐紹勲鎮守太監杜唐同來問疾
按公與金鶴卿書云戊子春月忽中末疾篤癘
沉痾行動仰人窮荒絕域乏醫鮮藥閉門抱影越
歲踰時 又伏枕行贈嚴應階詩曰慎也投荒今
五年竭來臥病左足偏 又 秋日枕疾詩曰風前黃
葉樹雨後紫苔墻肺病知秋早身閒覺日長杵聲

頻擣藥煙縷漸消香遮眼聊書卷雕蟲久已忘又
病叟茅亭臥頑童竹杖隨半人嘲鑿齒一足笑虞
夔夢境虛傳蝶支床祇用龜古方渾不效無乃僞
軒岐遺集老覺戎行倦行驚旅力衰半人嘲鑿齒
一足笑虞夔歲月丹臺隔煙霞藥鼎隨所思渺天
末弔影自荒陲 楚雄苴力橋有垂柳一株婉的
可愛往來過之賦此志感靈和殿前艷陽時忘憂
館裏光風吹千門萬戶旌旗色九陌三條雨露姿
蒼涼苑日籠燕甸縹緲宮雲覆京縣芳樹重重歸

卷十

升菴年譜

二十二

院迷飄花點點臨池見臨池歸院總仙曹應制分
題競彩毫詔乘西第將軍馬詩奪東方學士袍金
明綠暗留煙霧舊燕新鶯喚朝暮只知眉黛爲君
顰肯信腰肢有人妬從此沉淪萬里身可堪憔悴
四經春支離散水甘時棄攀折荒亭委路塵搖落
秋空上林遠婆娑生意華年晚腸斷關山明月樓
一聲橫笛清霜坂 祭弟用貞文云嘉靖年月日
大理寺寺副用貞四弟卒於家兄愼有罪戍在滇
八月二十三日憲長高太和來始聞訃音山川萬

里又屬禁嚴不得奔赴歸哭文內有云維弟之生
後予六齡又云乖絕岷滇五年於茲則用貞卒當
在本年也

嘉靖八年己丑公四十二歲

正月灾異勅諭羣臣修省諸大臣各自陳條議以
上吏部議錄建言緣事諸臣 按李卓吾藏書八
月聞石齋公訃奔告巡撫歐陽子重疏上得歸襄
事十一月還滇石齋公本年六月十一日卒又按大政記嘉靖
九年正月大學士楊廷和卒謫戍修撰楊慎乞回

卷十

升菴年譜

二十三

籍終制不許允其奔喪

藏書大政記時口
互異未知孰是

是年

安人留於蜀 十月刑部員外郎邵經邦上疏論
救下獄謫戍鎮海衛 太僕寺丞何淵以議禮屢
奏降經歷

嘉靖九年庚寅公四十三歲

公再過板橋詩曰千里長征且未回春光又上五
華臺碧雞山色偏青眼雲外遙迎馬首來 是年
公約李中谿爲點蒼之遊作遊點蒼山記與中谿
賡和詩若干首 公集有光尊寺別禹山詩萬里

炎荒萬里身銷魂何事別離頻光尊寺裡桃應笑
回首東風九度春 居高嶢治一萍軒著碧嶢精
舍記公謫居時有廣心樓遙岑樓東望樓碧對軒
學樊圃辯義井悠然亭今俱不知所在

十年辛卯公四十四歲

公詩有辛卯除夕飲潘郎金斗歌又漢京篇送王
子推給事還秦中 十二月御史喻希禮石金因
建醮請寬議禮諸臣下詔獄

十一年壬辰公四十五歲

新都縣志

卷十

升菴年譜

二十四

正月雲南左布政高公韶內江人聘修雲南通志
館於滇之武侯祠鄉大夫有欲冒嗣穎川侯傅友
德以覬世爵者公不可乃乘張蘿峯復相流言欲
中之公遂去有中宵風雨太多情留住行人不放
行借問小西門外柳爲誰相送爲誰迎之句 又
春興詩八首天涯遊子懸雙淚海畔孤臣謫九年
夏題曹溪寺碑癸巳冬蕭山人集唐北
海李邕字鏐碑於寺 公作
無悶篇云孤臣之謫九年懿親之隔千里 序作
禺山詩又羣公四六序 八月丙子朔己卯彗星

見東井 十月編修楊名以星變陳言疏云言官
終於廢棄是偏於怒也疏再上拷訊謫戍 兵部
侍郎黃宗明疏救楊名鞫問調外任

嘉靖十二年癸巳公四十六歲

按公自著云癸巳之夏臥疴三塔寺地多榛莽螢
飛緯夕感東山之詩及唐人之賦爲流螢篇 西
遊大理諸處會禺山館於霽虹橋刻詩崖嶠以志
別又禺山寫韻樓歌孟夏滔滔癸巳年葉榆良覲
欣重晤 考禺山與公鄉試同年 是年除夕公在大理有將

新都縣志

卷十 升菴年譜

二十五

還滇雲留別葉榆諸君子詩

嘉靖十三年甲午公四十七歲

是年公代雲貴鄉試錄後序云蔚矣哉滇之文乎
其士之修辭崇古齊軌中州近則有唱第於臚句

嘉靖十一年壬辰榜楚雄李啓
東初擬狀元尋抑置二甲第二

阿迷州僉事王

公廷表迎往館之經臨安納少室新喻人周氏公
詩云去年除夕葉榆澤今年忽在臨安城撰臨安
府鄉賢祠記

十四年乙未公四十八歲

按公集有六月八日第四雛生答韓適甫述甫二
表弟詩曰茅舍亦懸弧欣看第四雛自憐牛舐犢
誰謂蚌生珠娛老堪提抱成人任魯魚多情二表
弟良夜待傾壺公第四子
名同仁
十五年丙申公四十九歲

秋七月二十四日夢中作宮詞長信宮中夜未央
斑姬團扇畫秦王三更雲屋西風起翠燦紅羅滿
玉霜 是年禹山北上公序其艱征集 十一月
戊午上御殿頒詔大赦 寓點蒼山感通寺之寫

新都縣志

卷十

升菴年譜

二十六

韻樓

袁九叙中丞滇紀曰樓在大理西城南湯山
成都楊慎流寓著六書轉註一時問字者名

其所居曰
寫韻樓

嘉靖十六年丁酉公五十歲

二月刑部錄上文武官坐事充軍應赦者馬錄而
下一百四十二人得旨馬錄呂經馮恩楊慎王元
正劉濟豐熙邵經邦不宥餘釋之不許起用 五
月戊戌雷震謹身殿鴟吻求言 七月科臣田濡
陳弭灾三事請勅矜宥馬錄楊慎等八人不允
是年公與御史李元陽遊石寶山 刻禹碑於大

理其文曰承帝曰咨翼輔佐卿洲渚與登鳥獸之
門參身洪流而明發爾興久旅忘家宿嶽麓庭智
營形折心罔弗辰往求平定華嶽泰衡宗疏事哀
勞餘伸裡鬱塞昏徙南瀆衍亨衣制食備萬國其
寧竄舞永奔 七月還戍所

十七年戊戌公五十一歲

是年公奉戎檄歸蜀還滇 除夕贈榮經徐尹詩
曰今夕知何夕明朝是歲朝雪封嵐氣淨雲護嶺
天遙楊柳驚橫吹梅花起麗譙故人新酒熟儲興

新都縣志

卷十

升菴年譜

二十七

欵春宵 十一月給事中顧存仁上五事一廣曠
蕩之恩上以仁援廷杖議禮謫戍諸臣令發口外
嘉靖十八年己亥公五十二歲

按公留別彭子充程以道兼寄余懋昭詩曰瘴癘
鄉中難重陳夜郎天外迥無鄰一辭故國三千里
獨戍遐荒十六春四面已逢開網祝滿堂猶作向
隅人嗟君亦在淵潛地誰汲西江起涸鱗 十一
月公再領戎役於重慶 禺山口公詩曰年少東
都客臨危不愛身投荒十六載猶是獨醒人人

十九年庚子公五十三歲

重慶役事竣至遂寧七月歸新都 代雲南貴州

兩省撰鄉試錄序

二十年辛丑公五十四歲

按公辛丑新正詩曰貴竹逢新歲寂寥空館時則是年元旦在貴州也 按四川總志序云罪謫南裔十有八年辛丑之春值奉戎檄暫過故都大中丞東阜劉公諱大謨禮聘舊史玉壘王君諱元正愛卿芳洲楊君諱名實卿編錄全志而謬以藝文

新都縣志

卷十

升菴年譜

二十八

一局委之慎乃檢故麓探行篋參之近志復採諸家擇其菁華褫其繁重拾其遺逸翦彼稂稂支郡列邑各以乘上又得漢太守樊敏碑於蘆山漢孝廉柳莊敏碑於黔江文無錯訛刻猶古剗東阜公喜曰漢碑之傳於今中原亦掃跡矣乃今得茲於遠邦不謂斯舉之獲乎唐宋以下遺文墜翰駢出橫陳實繁有疇乃博選而約載之爲卷尙盈七十中間凡名宦遊士篇詠關於蜀者載之若蜀人作僅一篇傳者非關於蜀亦得載焉用程篁墩新安

文獻志之例也 夏五月中央謠愍蝗灾也 公

是年還滇至東瀘病作戴金留之返成都與梓谷

黃華洱江劉大昌遊青城諸山戴字純夫湖廣漢陽人正德甲戌進

士官至兵部尙書留公時當是四川巡撫 孟冬發舟沱江東阜劉中

丞惠歷且約錦江餞別有詩簡謝

嘉靖二十一年壬寅公五十五歲

著六書索隱 七月還戍所八月納少室曹氏京北

人

二十二年癸卯公五十六歲

新都縣志

卷十

升菴年譜

二十九

是年纂蒙段事爲滇載記 禺山寄詩云廿載羈

心滇海口五更歸夢蜀江頭又著書共指三千卷

作客誰憐二十年又山人習靜孤村遠才子投荒

廿載餘 公序禺山詩曰蒲柳先零蓬蔴敢倚

是年又還蜀公答重慶太守劉嵩陽書癸卯之秋

愈光北上走則暫歸約同謁執事於渝 九月刻

唐宋文貞公梅花賦於石 公集有孟冬苦寒將

往滇雲留別江陽親友詩曰昆池滇嶠廿年遊白

首重來不得休 十二月子寧仁生公大喜時當

道與黔國沐公交遊士大夫俱詩章宴賀有天上
麒麟輝蜀水海中龍馬過滇池之句是年公復領
戎役於蜀

嘉靖二十三年甲辰公五十七歲

是年公至瀘州與少岷曾嶼遊九十九峯山 四
月還戍所禺山古梁州詞三句體曰有客淹留古
梁州二十一年鄉國異海風山月又逢秋又詩有
廿年踪跡遍雕題重到重遊洱水西則是年公又
西行也

新都縣志

卷十

升菴年譜

三十

二十四年乙巳公五十八歲

二月徙居大理門生董難西羽從遊會楊宏山諸
公倡和 四月屬簡紹芳隸漢王褒移金馬碧雞
文於羅漢寺之崖其文曰持節使者敬移南厓金
精神馬影影碧雞處南之荒深谿回谷非土之鄉
歸來歸來漢德無疆廣乎唐虞澤配三皇黃龍現
兮白虎仁歸來歸來可以爲倫歸兮翔兮何事南
荒也 文後隸書書云□囚生初楊慎櫟□外蜀
嗣□□閒遠師簡□□勞 古南厓爰鳩漢字用

彪漢辟滇之文獻尙考亏斯□明嘉靖乙巳秋羅漢寺住持园曉僧□淨立 金馬碧雞二山在滇昆明池左右顏師古云金形似馬碧形似雞一云有鳳凰龍馬之屬隱見於山滇人呼鳳爲雞故名之漢宣帝神爵元年庚申修武帝祠神仙故事方士盛言益州金碧之神可醮祭而致遣諫大夫王褒求之時蠻叛道久弗通褒就蜀巴郡移文原本六十八字成都楊慎書碑於羅漢寺之南厓今殘闕七字後跋四言十句四十字隸書尙妙近代罕

有今殘闕五字嘉靖二十四年乙巳所鐫也歷今一百三十二年封官滇十八年前躡昆明時命工摹塌數十本好事家爭藏之因碑在山厓風雨剝落封補其殘闕易以楷書更勒石於金馬山之歸化寺中按謝在杭滇畧馮再來滇考諸書俱載五鳳三年別本移文載持節使王褒謹拜南厓敬移金精神馬縹碧之雞餘文同茲宗升菴原本 九月還戍所 禺山寓書云吾少與子爲詩友老與子立詩禁不白意禁弗克自棄也考公李太白詩

題辭曰吾友張子愈光自童習至白首與下走共
爲詩

嘉靖二十五年丙午公五十九歲

丙午除夕詩曰六十頭顱雪滿簪老狂猶學少年
吟已消湖海元龍氣祇有滄浪漁父心俯仰乾坤
吾道在逍遙歲月主恩深屠蘇飲罷椒花暖錯料
梅花咏不禁 是年冬大理推官吳宗徽署安寧
州欲權民鹽牛公言於當路得免

二十六年丁未公六十歲

新都縣志

卷十

升菴年譜

三十二

居高嶢水莊名十二景碧雞朝霞華嚴晚靄茭塘
去帆水雲歸棹羅橋水樁進耳山帶九寺僧鐘八
村漁火梨園春遊蓮花秋泛東林桂月南巒松雪
日與交遊倡和凡招提佳勝會意處便操觚留題
數與滇之鄉大夫遊昆明池有池賞社集詩 秋
遊華亭寺作絕句三首寄劉南坦司空 禺山寄
詩云去國萬三千里投荒二十四年腸斷滔滔滇
海夢回杳杳巴川 冬十月公復東適臨安訪臬
憲樊公景麟暨桐岡葉公遊諸巖洞勝境

嘉靖二十七年戊申公六十一歲

是年春至晉寧與侍御池南唐公錡遊海窟蟠龍
生佛諸山陀 河南道御史王士翹上疏論救內
云有謫戍可原者亦宜分別輕重疏請寬釋以廣
朝廷宥過之仁疏入報寢 撰楚雄府定遠縣新
建儒學碑記 禺山云升菴甲申之冬來戍於滇
今戊申春尙無還期詩云二十五年爲逐客歸輪
何日得冬驅 是年夏新俞西巒簡紹芳作高嶢
里謫仙橋記鐫石置橋隅繚垣

公詩有梅花普賢寺楊柳謫仙橋之

新都縣志

卷十

升菴年譜

三十三

句

二十八年己酉公六十二歲

是年公居高嶢夏秋每與滇之鄉大夫兩湖葉公
在軒胡公遊昆明池

嘉靖二十九年庚戌公六十三歲

四月雲南巡撫都御史吳興顧公應祥巡按御史
莆田林公應箕總戎都督古濠沐公朝弼集議築
壩挖河公作海口修濬碑記紀事極詳約一千六
百餘言

三十年辛亥公六十四歲

孟冬二十五日三過易門龍口洞有詩

三十一年壬子公六十五歲

二月在逸武弁得委祭龍海口歸肆狂惑請丁夫
六千督往注濬以剝衆利民甚苦之有言於公者
公嘆曰海已涸矣田已出矣民已疲矣致書巡按
趙炳然罷之九月復至瀘 歸途始發詩曰重作
滇雲萬里征歸途卻喜遇春晴一筇歷歷記行店
雙堠頻頻減去程嶺上聞猿孤枕淚壁間見蝎故

新都縣志

卷十

升菴年譜

三十四

鄉情烏蒙瘴霧昏眸久想對江花眼倍明 有留
別安寧滇城諸友詩曰垂老西來日天涯此會稀
馬蹄聲特特雁陣影飛飛南海情偏厚東坡語未
非海莊岑寂地車轍滿荆扉又垂老東還日天涯
此別稀關山歸馬地江水釣魚磯秉燭情何盡啣
盃淚欲揮相思幸相問處處有鴻飛

嘉靖三十二年癸丑公六十六歲

公僑寓瀘州秋內江喻柯梓公彙錄絕句辨體

三十三年甲寅公六十七歲

新正六日送簡西巒登舟詩曰金蘭意氣昔論文
晏坐朝霜竟夕壘千里馳驅來熨道十年羈旅共
滇雲交遊落落晨星散蹤跡悠悠水國分江北江
南從此別何時何地再逢君四川志云簡年幾六
十四西歸蒙山先生送
之詩 又懷簡一首曰爲訪東林止觀經始知君馬

去長寧夕陽暝色三叉路流水空江一葉萍孤館
可逢梅蕊白亂山不見酒旗青行邊排悶詩多少

舊雨何時剪燭聽見遺集 簡別號西巒公贈有西
巒篇內云吾聞老萊楚

國遺逸又云蒙山何在東楚西巒又云子之遙牒
自涿而蜀四川志載江西人公在滇交最密倡和

新都縣志

卷十

升菴年譜

三十五

最多者張禹山
簡西巒二人

秋冬久雨詠霧淞有詩

三十四年乙卯公六十八歲

八月得簡西巒書因寄三十韻

嘉靖三十五年丙辰公六十九歲

三十六年丁巳公七十歲

按是年公有元宵韓旻菴送燈詩 有五月五日

大熱追涼江山平遠樓詩內有獨立蒼茫吟思苦

孤臣白首望長安之句樓在四川瀘州黃
山谷書見遺集 有贈

門生楊靜夫北上詩曰滇海門生廿載遙飛騰次

第上雲霄衰年七十猶羈旅誰向元亭慰寂寥
六月長子同仁卒無嗣 八月歸新都叙菴弟卒
公痛悼倍於尋常有誄詞

三十七年戊午公七十一歲

按公續集有戊午人日立春病起擁爐詩有離別
江陽初餞臘淹留滇徼又逢春之句 又冬過水
峽驛觀瀑布泉云一從流戍辭巴蜀幾回於役行
荒服百丈頻經水峽穿孤燈慣向江門宿 子寧
仁娶瀘州滕恩官女爲室 公僑寓江陽者十數

新都縣志

卷十

升菴年譜

三十六

年交遊日衆與曾岷野章后齋諸公友善 按公
集有三題板橋館壁詩朔雪元冬凍不開僕夫疲
病馬虺隤鬢毛盡向風塵白往復滇雲十四回
七十行戍稿有黃柏行云只今行年七十二猶作
羈纍滇海陬公自稱博南山人又稱博南
戍史又稱金馬碧雞老兵 有廣
心樓夜宿病中詩曰落弁重逢下石人七旬衰病
命遂巡藤蘿深菁猿猱穴瘴癘窮山虎豹隣枯木
幾時沾雨露戴盆何地見星辰元夫幸遇睽孤日
寂寞寒灰也望春 按公集有自書云十一月十

三日至高嶢耆老二十餘人烹豚煮酒慰予見滇俗之厚也

嘉靖三十八年己未公七十二歲

按公是年春還戍所六月遘疾 六月二十日永昌臥病有詩又感懷詩曰七十餘生已白頭明明律例許歸休歸休已作巴江叟重到翻爲滇海囚遷謫本非明主意網羅巧中細人謀故園先隴痴兒女泉下傷心也淚流又病中永訣李張唐三公詩云魑魅禦客八千里羲皇上人四十年怨誹不

新都縣志

卷十

升菴年譜

三十七

學離騷侶正葩仍爲風雅仙知我四非我春秋筆今

吾故吾逍遙篇中谿

李元陽

半谷

張含

池南

唐錡

叟此意非君誰與傳 公七月六日卒臨終絕筆自贊曰臨利不敢先人見義不敢後身雖無補於事業求不負乎君親遭逢太平以處安邊歌詠擊壤以終餘年天之顧畀厚矣篤矣吾之涯分止矣足矣困而亨冲而盈寵爲辱平爲福者耶死亦不憂生亦不喜生順死安可謂云耳死於此葬於此斯已矣積善有報在諸子師友相厚故及此 時

巡撫雲南游公居敬命殯歸新都庚申冬附葬石齋公墓側惇忱亡諸孫幼石齋公處淺土四十年紀綱家務付愼繼室黃氏氏有才志幾楊氏嬰曰矣亦天以報公勤勞王家也見趙貞吉撰楊文忠公墓誌 公次子寧仁寓瀘州公卒之年黃夫人至瀘奔喪攜寧仁歸撫教之

嘉靖四十五年丙寅十二月庚子上疾甚還乾清宮午時崩次日頒遺詔內云自卽位至今建言得罪諸臣存者召用歿者卹錄見監者卽行釋放復職

新都縣志

卷十

升菴年譜

三十八

隆慶元年丁卯正月錄建言得罪諸臣通政使樊深等三十三人是日陳瓚而下各除原官者十四人又第建言諸臣爲三等戮死者四人贈廕諭祭次廷杖死者十三人復職贈廕次繫獄戍邊斥死牖下者凡二十八人復職贈官公復職贈光祿寺少卿諡莊介 五月復前大學士楊廷和官七月大學士楊廷和諡文忠趙文肅曰楊公之沒久矣頃者恭遇我皇上奉我世宗皇帝遺詔復公之官加贈太保諡文忠廕一孫爲尙寶司丞一孫入監遣官

祭葬恩數備至嗚呼休哉

隆慶二年戊辰正月給事中張鹵乞覈建言卹錄未盡者

隆慶間雲南巡撫陳大賓江陵人建三賢祠於金馬寺左祀漢諫大夫王褒僉事劉寅翰林修撰楊慎今

廢

考陳萬歷間任隆慶間程大賓字汝見歛縣人進士任雲南提學副使一云巡撫陳用賓

萬歷間雲南右布政劉之龍富順人建太史祠於碧雞關之高嶢在普賢寺之左置祭田若干畝

天啓間雲南按察使莊祖誥成都人副使黃似華內江

新都縣志

卷十 升菴年譜

三十九

人重修太史祠遷普賢寺之右

國朝康熙十一年壬子封謫任臬司參軍用薦權知昆

明縣知縣數過嶢訪公遺跡得公小影於李生員

家擬上啓重建公祠以迤西用兵不果丙辰雲南

按察使來度

號則菴蕭山人籍太原

倡議重建太史祠於高

嶢舊址左布政宗彝

有六大人

右布政丁浴初

蛟門定

人糧鹽道郭昌

介繁太康人

提學道耿宏啓

承哲新城人

迤

東驛茶道何啓鵬

九萬四川人

雲南府知府彭可壯

化南

遼東人

捐貲重建丁巳太史祠成三月三日雲南按

察使來度迤東驛茶道彭可壯集客泛舟迎神奉祀

新都縣志

卷十

升菴年譜

四十

跋升菴先生年譜後

升菴太史年譜成友人談晉若云吾鄉胡南浦司農家有四川志貽書急借一觀得見簡西巒所編先生年譜卽李卓吾藏書一篇也沔陽陳玉叔序云用修先生沒十八年予歸新都收其遺書偶得先生年譜於友人朱秉器乃簡子紹芳所次年譜例編年而比直書味斯言也在玉叔當年已不足之矣玉叔又云先生從子行人以義刻傳而屬予序近海內學士大夫家多罕見其譜抑或未及鋟

版故流傳未廣耶志中又載卓吾序升菴文集云予讀先生文集欲求其生卒之年月考其始末履歷之詳如昔人所謂年譜者時時置几案間儼然如遊其門躡而從之而序集皆不載以故恨也今考卓吾藏書一篇中間編年盡用簡語而獨不載簡譜之生卒年月且諄諄以不載爲恨此何說耶豈卓吾又從別本收入原與簡語同耶考先生別簡在嘉靖三十三年甲寅先生卒在嘉靖三十八年己未四川志又載云簡歸數年卒其子詣先生

瀘陽時先生以疾臥床呼拜床下問西嚳安否其子曰死矣先生長吁數四以袖拭淚遂向壁臥復言數日卒簡子過瀘陽不知何年先生卒於雲南安有瀘陽拭淚數日卽卒之事且簡先生卒先生年譜在簡死後者不知幾年不知又出何人手續今用簡所編年譜與卓吾藏書參考之中間諸事舛錯如娶王夫人在丙寅而簡訛在丁卯娶黃夫人在戊寅而簡訛在己卯羅漢山題漢王褒碧雞金馬移文碑在乙巳而簡訛在丁未諸如此類不

可枚舉先生生平大節在議大禮簡譜與藏書皆數語畧過予特詳其議禮始末及備載論救諸臣上書年月附於各年之下以見先生所遇之蹇也蘇長公與先生同鄉其年譜出於王宗稷之手大半從長公集中搜括而成繼室王氏再娶歲月遂不可考唯文山年譜是其獄中手書後人雜取丞相傳及宋國史野史併公所著指南前後錄集杜詩旁采事蹟疏列譜中故其譜足觀升菴先生節義文章炳耀天壤與兩公畧同固不待譜以傳而

予之重編茲譜也如見先生焉後千百年覽茲譜者亦如見先生焉予去先生遠先生生平事實見聞不多絙漏失傳不能無恨倘後之人復有好事如予取予所編先生年譜起而增訂之者則予又前日之簡而後人又今日之予也江夏後學程封石門再書於高嶢之太史祠中

雜志

雜志者何著不一體也蓋諸志各以類從而又有散見他書與本卷不合者強入之則嫌於雜概刪之又病於疎另錄一冊附於編末亦易終雜卦傳之義也作雜志

袁山松書楊統在縣休徵時序風雨得節嘉禾生於寺舍人庶稱神

華陽國志朱普字伯禽廣都人也爲郡功曹太守與刺史王冀有隙枉見劾普謁新都獄掠笞連月肌肉腐臭惡同死人證太守無事勅其子曰我死載喪詣闕使天子知我心事得情理普以烈聞南齊書明帝泰始中成都市橋忽生小洲始康人

邵碩有術數見之曰洲生近市當有貴王臨境
宋史至道二年新都縣民蹇成美家牛生二犢
茅亭客話新都縣四衆院僧有臥像一軀蓋生於
石手足頭面衣紋纖介青黃色隱起狀若雕刻豈
知胚混偶然成形乎

萬厯野獲編古來人主多拘避忌而我朝世宗更
甚當辛巳登極御袍偶長上屢俯而視之意殊不
快首揆楊新都進曰此陛下垂衣裳而天下治天
顏頓怡

新都縣志

卷十八

四十四

李南陽之奪情識者訾之羅一峯糾疏詞旨極峻
當時有以爲過者以李受憲宗異眷不忍辭也楊
新都丁外艱武宗亦固留之至三疏而後得請時
給事中范尙亦疏請允楊歸且引張九齡起復見
譏後世爲比其旨嚴而詞婉最爲得體新都不以
爲忤求去益決爲國爲家真兩無負江陵公聞喪
爲上勉留時史臣趙吳兩公救正之疏大都與范
給事同無奈羣小脅持竟辟邪說反謂二門生背
叛門墻加以廷杖迄不能止言者雖身留而禍釀

矣

新都奪喪到家甫一月而守催之行人已至上疏哀控乞守制優詔不允又差內臣右監丞秦用賚勅召起新都又苦辭上始聽終制命服闋敦勸來京至制滿上復遣行人賚勅促之還又再辭而至嘉靖初年山西僉事前給事中給事史道疏論元輔楊廷和漏網元兇御史曹嘉品第朝臣五十人列爲四等擅定去留給事中閻閱又劾楊以救史遂與曹俱貶外時人呼爲翰林三傑蓋三人皆乙

丑科庶吉士初求留爲史官廷和不許以是切齒恨之時御史鄭兗駁史曰廷和撥亂返正足稱救時宰相道指爲元兇且先揚聲邀人挽止及補外而始發之其心跡詭秘可見給事中安磐駁曹口本朝解縉以一人而議衆人皆承君命未有無上命而舉朝縉紳得恣其口吻者二疏皆公論也楊廷和七歲時父月夜宴客一客曰有一更矣一客云半夜矣一客云五更有一半矣時公在坐側□出對云一夜五更半夜五更之半公對云三秋

八月中秋八月之中

以歷野見萬

升菴集慎少時先太師與瑞虹龍崖二叔父看畫
因問二叔父曰景之美者人曰似畫畫之佳者人
曰似真孰爲正慎對曰元微之有詩云顛倒世人
心紛紛乏公是真賞畫不成畫賞真相似丹青各
所當工拙何足恃求此妄中情哀哉子華子龍崖
曰詩亦未見佳慎爾可試作之遂呈稿曰會心山
水真如畫名手丹青畫似真夢覺難分列禦寇影
形相贈晉詩人二叔父喜曰只此四句大勝前人

新都縣志

卷十八

四十六

近病中追憶往事記而筆之祇二三首耳

原注宏治己未

升菴時年十二

余少年與恒忱二弟賞梅世耕庄懸掛燈於梅枝
上賦詩云疎梅懸高燈照此花下酌只疑梅枝然
不覺燈花落王浚川見而賞之曰此奇事奇句古
今未有也

正德丁丑歲武廟閱文獻通考天文星名有注張
因命內閣取秘書通考別本又作汪張顧問欽天
監亦不知爲何星也內使下問翰林院同館相視

愕然慎曰注張柳星也周禮以注鳴者註注昧也
鳥喙也音咒南方朱鳥七宿柳爲鳥之喙也史記
律書西至於注張漢書天文志柳爲鳥喙因取史
記漢書二條以復同館戲曰子言誠辨且博矣不
涉於私習天文之禁乎以上俱見
升菴集

楊升菴先生在滇有張半谷含輩從遊時謂楊門
六學士以比黃秦晁張諸人半谷卽愈光餘則楊
宏山士雲王純菴廷表胡在軒廷祿李中溪元陽
唐池南錡又有吳高河懋爲七子以擬廖明畧升

新都縣志

卷十八

四十七

菴謂七子文藻皆在滇南一時盛事是也當時先
生流離顛沛遠在天末而遠近爲人企慕如此何
殊東坡惜身歿南荒不及玉局之生還耳彼讒人
者遺臭萬年豈止與烟草同腐已哉居易錄

前輩大家各有本末非後生小子一知半解所得
擅議近代如陳晦伯胡元瑞之正楊是也居易錄

楊升菴先生在滇南每出游乘一木肩輿僅客膝
狀如升所謂升菴也菴之前題曰士到東都須節
義地當西晉且風流爲愈光含筆與人游無問貴

賤酒間吟次時命聲伎佐之舞裙歌扇笑擁彌日
在瀘州嘗醉糊粉塗面作雙了髻插花門生舁之
諸伎捧觴游行城市王中丞元美曰壯心不堪牢
落故耗磨之耳真知言哉

皇華
記聞

康熙壬子入蜀過新都縣假館楊升菴先生故第
瓦礫之間有二桂樹尙存丙子再入蜀詢先生第
已爲尉署訊二桂樹猶在爲之感嘆得簡紹芳所
著年譜讀之先生以嘉靖甲申遣戍永昌衛初至
滇病憊方就醫而巡撫黃衷力促之去賴巡按御

新都縣志

卷十八

四十八

史郭楠清軍御史江良材營護得不死其後七十
二歲歸蜀嚴檄催赴戍所遂以是年己未卒於滇
則巡撫游居敬也郭楠旋上疏請宥議禮諸臣下
獄君子小人其用心不同如此

隴蜀
餘聞

香祖筆記明詩至升菴另闢一境真以六朝之才
而兼有六朝之學者其詩如咏柳垂楊垂柳縮芳
年一篇世共知之又古意凌波洛浦遇陳王鷓鴣
詞秦時明月玉弓懸關山月迢迢賤妾隔湘川出
關擬唐人猿弧芒角正彎環塞下曲長榆塞上接

龜沙工妙天成不減前作又青蛉行寄內絕句亦絕妙大抵皆自古樂府出益都王遵坦太平論明詩獨推新都爲性之者亦自有見

薛君采云用脩窮極詞章之綺麗牢籠載籍之菁華其卓絕之才宏博之學直欲追軋古人王元美云楊用修之南中藁穠麗婉至華學士之巖居稿清澹簡遠俱遠勝玉堂之作穆敬甫云用修學富千古入謂其詩不逮學然其詩亦非貞元以後語也陳德遠云用修詩取材六代間似杜陵王藩臣

云先生詩時而漢魏時而六朝時而四傑時而李杜其於材無所不構而於體無所不兼陳玉叔云用修采摭旣富蹊徑終存近體多深沉之思絕句極風人之致又云用修著書百餘種時分宜故相乞品詩於萬里外司空劉元瑞得神樓曲棲息終身其珍重如此至海內名流若永昌張愈光謂其立朝去國宏業葆貞華容孫仲可謂其旁通廣蓄名高衆忌嘉州程給事謂其裨官小說因微適道崑山周太僕謂其權衡操縱含英茹實四明張司

馬謂其片詞纖指根沿古初太倉王廷尉謂其才情蓋代使事最工卽諸家品題而用修可知也黃清甫云楊詩喜用僻事多著浮彩搜羅刻削無出其右而駢繪旣繁性情多盡傅謂美能沒禮詩亦有之至誦其可憐風雨夜長在客途中又江花與江草異國看春生情境俱窮真堪隕淚胡元瑞云用修才情學問在宏正後嘉隆前挺出倔起無復依傍自是一時之傑格不甚高而清新綺縟獨掇六朝之秀合作者殊自斐然又云皇甫子循以六

新都縣志

卷十八

五十

朝語入中唐調而清空無迹楊用修以六朝語作初唐調而雕繪滿前故知詩有別才學貴善用陳臥子云用修繁蔚之時見新警宋轅文云用修病在貪博故使事處往往求巧得拙要其天才本是奇麗真如七寶流蘇靜志居詩話美人娟娟隔秋水杜子美句也其雨怨朝陽阮嗣宗句也黃魯直寄蘇和仲詩用之曰美人美人隔秋水其雨其雨怨朝陽楊夫人復用魯直詩寄用修正陸平原所云襲故彌新者

黃子羽蕭閒絕俗所至輒搜討名勝其在蜀觀彌牟鎮八陣遺蹟拜杜少陵草堂修楊文忠墓道撮王稚子石闕碑數紙歸而摩挲移日曰嘉魚官錦盡在此矣同上

狀元記事楊州一士夫偶遇樟柳神因叩明春狀元何處人神云川新都種檉肅氏頭上名喬木無灰易真心用修行楊慎既及第乃知爲蜀地姓名字也

秦蜀驛程後記彌牟鎮市東西二石坊對峙近西

又一石坊北向坊南一碣大書漢諸葛武侯八陣圖成化間四川提學僉事潘璋書又東爲武侯祠茅屋纔及肩蓋亂後重葺者像設琢石爲之皆舊物祠南有碑三其一翰林修撰縣人楊慎撰八陣圖記書篆皆出升菴筆其一四川按察使楊瞻謁祠詩楊慎序其一八陣圖修復記兵部左侍郎縣人楊廷儀撰按察司副使灌縣周宗義書已上三碑北面其陰有參議何鰲詩廷儀與惇恂慥皆和三君升菴弟也鰲山陰人仕終刑部尙書卽傅會

楊忠愍爰書者也又一碑刻漢丞相諸葛武侯八陣圖像記四川按察使陽信李遜撰提學僉事前翰林國史編修濟南王勅書南向又有斷碑仆地不得首尾香臺下有麻城梅國樓詩碣祁令將重新廟貌拓其基址移祠與碑而北而大書漢丞相諸葛忠武侯八陣圖揭於坊表落成亦盛舉也予深贊之

乾隆三十三年 文廟丹桂二月八月兩次重開是科文武共中四人

戎幕閑談新都縣大道觀老君旁泥人鬚生數寸拔之俄頃又出

補遺

雜志

南史齊始興王鑑傳自晉以來益州刺史皆以良將爲之宋泰始中益州市橋忽生小洲道士邵碩見之曰當有貴王臨州劉亮爲刺史齋前石榴樹陵冬生華亮以問碩碩曰此謂狂華宋諸劉滅亡之象後二年君當終後九載宋當滅滅後有王勝熹來作此州冀爾時蜀土平碩始康人元徽二年忽告人曰吾命終因卧而死後人見碩在荊州上明以一隻故履縛左脚而行甚疾遂不知所之永

新都縣志

卷十八

雜志

五十三

明二年武帝不復用諸將爲益州始以鑑爲益州刺史督益寧二州軍事加鼓吹一部勝意反語爲始興碩言於此乃驗